

Imam Azam Abu Haneefa Rahimahullah Ke Kutub

NOVEMBER 9, 2014MARCH 29, 2016 / SK AVAIZ HUSSAIN

Imaam-E-Azam Fil Fuqaha Abu Haneefa Nauman Bin Sabit Al
Koofi Rahimahullah Ke Mukhtaliff Kitabon Ke Naam Aur Usse
Jude Kuch Tehqiqat...

1) Mash'hoor Maurrikh Muhammad Ibn Yaqoob Ibn Nadeem r.a
Apni Kitab "Al Fehrist" me Imam Abu Hanifa r.a ke Haalat me
Likhte hain ki Aap Taba'i the...
Phiraage Likhte hain ki "Al Fiqah Al Akbar" "Kitab Al Risalah" "
Kitab Al Aalim Wal Muttalim" aur "Kitab
Radd Ala Qadria " Aapki Tasaneef hain.
(Fehrist Ibn Nadeem Safah 256)



2) Hazrat Ibn Hajar Asqalani r.a (Shafai) Farmate hain-“Imam Abu Hanifa r.a ki Hadees me Mufarrad Kitab “Kitab ul Aasar” hai Jo Imam Muhammad Bin Hasan r.a ne Unse Riwayat ki Hai”

Scan Page



(<https://batilfirqokihaqueeqat.files.wordpress.com/2014/11/ibn-hajar.jpg?w=418>).

3) Hazrat Abu Abdullah Hussain Bin Ali Sumairi r.a Apni Kitab me Hazrat Sufiyan Soori r.a se Basanad Naqal Karte hain-“Zaida r.a ne Kaha Maine

Sufiyan Soori r.a ke Sirhane ek Kitab rakhi dekhi Jise wo Aksar Dekha karte the..Maine inse wo Kitab dekhne ki Ijazat Talab Ki, Inhone wo Kitab mujhko di ,Wo Kitab Imam Abu Hanifa r.a ki “Al Rahan” thi...Maine unse Kaha ki Kya tum Unki Kitaben dekhte ho...Unhone Kaha Meri Khuwahish hai ki Unki Sab Kitaben mere Paas Jama hon....Ilm ke bayan karne me Unse Koi Bat Rahi nahi

hai...Lekin Ham Unke Sath Insaaf Nahi Karte hain....

(Akhbar Abi Hanifa Rah Wa Ashabihi Safa 74)

Batayen Hazrat Sufiyan Soori r.a Jaisa Jalil Ul Qadr Faqih Aur Muhaddis To ye Tamanna Kare ki Kash Mere Paas Imam Abu Hanifa r.a Ki Sari Kitaben hoti aur Aajkal ke Ghair Muqallideen ye Tassur Dena

Chahte hain Ki Imam Abu Hanifa r.a ki Koi Kitab hi Nahi....

4) Hazrat Abu Abdullah Hussain Bin Ali Sumairi r.a Apni Kitab me Hazrat Yazeed Bin Haroon r.a Ki bat Basanad Naqal Karte hain-“Abu Muslim r.a ne (Shaikh Ul Islam) Yazeed Bin Haroon r.a

se Poocha "Aey Abu Khalid Tumhari Abu Hanifa r.a aur Unki Kitabon ke Muta'ale ke Bare me Kya Rai hai" ? (Yazeed Bin Haroon r.a ne) Kaha "Agar Tum Faqih Banna Chahte ho to Unka Muta'ala Karo , Maine Kisi bhi Faqih ko Unse Beniyaz Nahi Dekha"...
(Akhbar Abi Hanifa Rah Wa Ashabihi Safa 74)

Dekhiye Hazraat Shaikh UL ISLAM Yazeed Bin Haroon r.a Kya Farma Rahe hain.... Unke Kehne ki Murad Mutabiq Koi bhi Faqih Unki Kitabon Se Fayda Uthaye Bagher nahi Rehta.. Yani Unki Kitaben Miyaar Set Karti Hain Fuqha Keliye , Ke Unhe Apni Fuqahat Ko Tarashna hai To Imam Abu Hanifa r.a Ki Kitabon Ka Muta'ala Karna Chahiye , Unse Mustafeed Hona Chahiye...

5) Abdullah Bin Daood Khuraibi r.a Farmate hain-"Jo Shakhs Chahe ki Nabenai aur Jahalat ki Zillat se Nikle aur Fiqah ki Lazzat se Ashna Ho , Isko Chahiye ke Imam Abu Hanifa r.a ki Kitaben Dekhe..
(Safa 85)

Imam Shafai'i r.a Farmate hain-"Jis aadmi ne Imam Abu Hanifa r.a ki Kitaben nahi dekhi wo Fiqah me mahir nahi hoga....
(Akhbar Abi Hanifa r.a Wa Ashabihi Safa 87)

Scan Page

ABDULLAH BIN DAOOD KHURAIBI R.A FARMATE HAIN :
JO SHAKHS CHAHE KI NABENAI AUR JAHALAT KI ZILLAT SE NIKLE AUR FIQAH KI LAZZAT SE ASHNA HO , ISKO CHAHIE KE IMAM ABU HANIFA R.A KI KITABEN DEKHE.
(AKHBAR ABI HANIFA R.A WA ASHABIHI SAFAH 85)

IMAM SHAFAI'I R.A FARMATE HAIN :
JIS AADMI NE IMAM ABU HANIFA R.A KI KITABEN NAHI DEKHI WO FIQAH ME MAHIR NAHI HOGA....
(AKHBAR ABI HANIFA R.A WA ASHABIHI SAFAH 87)

أخبرنا عمر بن إبراهيم قال ثنا مكرم قال ثنا أحمد بن عوف قال ثنا علي بن محمد بن علي قال ثنا عبد الله بن داود قال: من أراد أن يخرج من ذل العمى والجهل ويجد لذة الفقه فلينظر في كتب أبي حنيفة.

أخبرنا أحمد بن محمد القمي قال ثنا أحمد بن محمد بن الحسين قال ثنا علي بن محمد بن الحسن قال ثنا الحسن بن قتيبة قال ثنا حرملة بن يحيى قال سمعت الشافعي يقول: من لم ينظر في كتب أبي حنيفة لم يتبحر في الفقه.

حدثنا العباس بن أحمد قال ثنا أحمد بن محمد بن المنصور قال ثنا علي بن محمد بن النخعي قال ثنا الحسن بن قتيبة قال ثنا حرملة بن يحيى قال سمعت الشافعي يقول: من لم ينظر في كتب أبي حنيفة لم يتبحر في الفقه.

MOHAMMAD RAIS (DELHI)

(<https://batilfirqokihaqueeqat.files.wordpress.com/2014/11/abdullah->

[bin-daood.jpg?w=349](#)).

In Do Hazraat Ke Qaul Apni Kahani Khud Bayan kar Rahe hain.....Ki Akabireen e Ummat Ki Nigah me Imam Abu Hanifa r.a Ki Kitabon ki Kya Ahmiyat thi....Tab Hi to Apne Waqt ke Bare Bare Ulama tak Imam

Abu Hanifa r.a ki Kitabon ka na sirf khud Muta'ala Karte the,Balki Doosron ko Bhi Iski Talqeen Karte the.....Ki Agar Tum Faqih Banna Chahte Ho , Jahalat se Nikalna Chahte ho to Imam Abu Hanifa r.a Ki Kitaben Paro....Jis Tarah aajke Waqt me bhi Kaha Jata hai ki Agar Tumhe Falan Field me Mahir Hona hai to Falan Musannif ki Kitabon Ko Lazim

Pakar Lo , Kuch Isi Tarah ki Haisiyat Ki Imam Abu Hanifa r.a Ki Kitabon ki Haisiyat thi....

Jis Bat ki Gawahi Khud Imam Shafi r.a Aur Hazrat Yazeed Bin Haroon r.a ne de di , Balki Hazrat Abdullah Bin Daood r.a To Unki Kitabon Ko.Itna Mante the , Jahalat se Agar Kisi Ko Nijat Pani hai To Wo Imam Abu

Hanifa r.a Ki Kitabon Ko Apna Sarmaya Bana Le....

Yahi Wajah thi Ke Apne Waqt Ke Duniya Ke Bare Bare Ulama bhi Imam Sahab r.a Ki Kitabon ka Muta'ala Karte the.....Jinme Hazrat Sufiyan Soori r.a Ke Bare me To Aap Alhamdulillah Pehle Hi Par Chuke.....

Aaj Imam Malik r.a Jo Kisi Penchan

Ke Mauhtaj Nahi Unke bare me bhi Jan Len , Wo Khud bhi Imam Abu Hanifa r.a Ki Kitabon se Mustafeed Hote the....

Unke Bare me aata hai ki-"Imam Malik r.a Imam Abu Hanifa r.a ki Kitabon Ka Muta'ala Karte the aur Unse Naf'a Andoz Hote the... (Al Intiqah Safah 43)

Batayen Hazrat Upar Jin bhi Ulama Ke Hawale Guzre Unme se Ek bhi Koi Mamooli Insan nahi....Inme se Koi Mujtahid, Koi Faqih Wa Koi Muhaddiseen hai....Lekin Aap Imam Abu Hanifa r.a Ki Kitabon Ka Isse

Maqam Samjh Sakte hain , Ki Unki Kitabon ne Kitna Ooncha Ma'ayar Set Kar Rakha tha Ki Bare Bare Akabireen e Ummat bhi Unki Kitabon se Fayda Hasil Kiye Bagher nahi rehte the....

6) Hazrat Kamal Uddeen Ahmad Bin Hasan Bayazi r.a Imam Abu Hanifa r.a ki Kitabon ke Bare me Naqal Karte hain-"AL Fiqah AL Akbar" "AL

Risalah" "AL Fiqah AL Absat" "Kitab Aalim wa Muta'alim" "AL Wasiyah" Unke Ashaab ke Zariye ImLai Tarz par Riwayat Kari Gayi Hain....

(Isharat Ul Maraam Safah 10)

Is Ibarat se Saaf Pata Chalta hai Ki Ye Sab Kitaben Imam Abu Hanifa r.a ki hi Tasaneef hain , Jo Unke Ashaab ne Unse ImLai Tarz par Naqal Kari hai , Kyonki Us Waqt me Yahi Tariqa Aamtor par Rajeh tha....Ki Shaikh ImLa Bolta Rehta aur Shagird use Naqal Kar Lete the....

Isliye ALLama Muhi Uddeen Abdul Hameed r.a ne is Tariqe ko Kafi Saraha hai aur Ise Taleef aur Tadrees me Sabse behtar Qarar diya

hai....Chunanche Farmate hain-” Hadees Hasil Karne ke Tariqon me Sabse Ooncha ,Taraqqi Yafta aur Qawi Tareen Tareeq ye hai ke Rawi Shaikh ke Alfaz se Chahe Shaikh Kisi Dastawez se ImLa Kara raha ho Ya Zabani Yad’daasht se... ImLa karana Tehdees me Ghair ImLa se Behtar hai ”

(Ta’aleeqat ALa AL Tauzeeh.295/2)

Hafiz Ibn SaLah r.a ne bhi apni Kitab “Muqaddamah Ibn SaLah” me Naqal Hadees aur Tahammul Riwayat me ise Sabse Oonchi Qism Qarar diya hai....

7) Hazrat JaLaL Uddeen Suyuti r.a (Shafai’i) Imam.Abu Hanifa r.a ki Khususiyat Naqal Karte hue Likhte hain-“Sabse Pehle Inhone ILM e Shari’at ki Tadween ki hai..aur Abwab me iski Tarteef di hai phir Imam Malik r.a ne Motta me inki perwi ki hai...Imam Abu Hanifa r.a se pehle kisi ne ye kam nahi kiya Kyonki Hazraat e Sahaba Karaam r.a aur Taba’ieen r.a ne Uloom e Shari’at me Abwab aur Kitabon ki Tarteef ka koi Ahtmam nahi kiya... Wo to sirf Apne Hafze par Aitmad karte the , Jab Imam Abu Hanifa r.a ne Uloom ko Muntashir dekha aur iske Barbad hone ka Khauf kiya to (Kitabi ShakaL me) Abwab ki soorat me Mudawwan Kardiya...

Sabse Pehle Taharat ke Masail Zikr kiye, phir Namaz ke, phir tamam Ibadaat ke, phir Ma’amlaat ke aur apni Kitab ko Ahkam e Meeras par Khatm kiya...Isliye ke Insan ka yahi sabse Akhiri Haal hai....Imam Abu

Hanifa r.a hi wo pehle Shakhs hain jinhone Kitab UL Faraiz aur Kitab UL

Shuroot ko Waz’a kiya....Isliye to Imam Shafa’ii r.a ne Farmaya hai “Fiqh me Sab Log Imam Abu Hanifa r.a ke Mohtaj hain “.....

(تبيين الصحيح في مناقب أبي حنيفة 119)

Yahi Bat Ibn Hajar Makki r.a ne “AL Khairat UL Hisan” me aur ALLama

Shams Uddeen Muhammad bin Yausuf r.a (Shafa’ii) ne “Uqood UL Jam’aan” me Naqal Kari hai....

Dekha Hazraat In Ibaraat se Saaf Zahir hai ki Imam Abu Hanifa r.a hi Wo Pehle Shakhs hain jinhone Masail aur Hadeeson ko Kitabi ShakaL me Abwab ki Soorat me Mehfooz Kara hai , Phir Imam MaLik r.a ne Apni Kitab “Motta Malik” me Imam Abu Hanifa r.a ki perwi ki hai Yani Unhi ki Tarz par Unhone Apni Kitab ko Murattab kara hai.....aur Motta MaLik ko Dekhkar hi Imam Bukhari r.a Aur Imam Muslim r.a ne Apni Kitab ko Tarteef di hai....Jaisa ki Shah Abdul Aziz r.a ne Likha hai-“Sahi Bukhari aur Muslim Agarche Tafseel Ke Lihaz se Motta (MaLik) se 10 guni hai, Lekin Riwayat Ahadees ka Tariqa , Rijal ki Tameez aur Aitbar wa Istanbat ka dhang Motta se hi Seekha hai..... (عجاله نافعہ 5)

In Tamam Baton se Pata ChaLa ki Imam Abu Hanifa r.a ki Kitabon ko Dekhkar aur unse Seekhkar hi Fuqaha aur Muhaddiseen ne Apni Kitabon ko Tarteef dena Seekha hai, ki Kis Tarah Kitabon ko Abwab ki ShakaL me Likhna hai.....ALLah Imam Abu Hanifa r.a Ko Unki Deeni Khidmat Keliye Apni Shan ke Mutabiq Ajar e Azeem Ata Kare....

Ameen..

Imaam Abu Hanifa (Rh.) Ka Maqam

[CREATE A FREE WEBSITE OR BLOG AT WORDPRESS.COM.](https://www.wordpress.com)